
ТАДБИРКОР МАКТАБ БИНОСИ ҚУРИБ БЕРДИ

Якунланаётган йил Бувайда туманидаги Ўрта қишлоқлик ёшлар учун ёдда қоладиган бўлди. Мазкур қишлоқда яшовчи тадбиркор Саидмахмуд Султонов ўз маблағлари ҳисобидан 45-умумтаълим мактаб ҳудудига қўшимча 120 ўринга эга бўлган замонавий ўқув биноси қуриб берди.

Шаҳар ва қишлоқларнинг чиройи, ижтимоий соҳаларнинг ривожланиб бориши ва такомиллашуви, одамлар ҳаётининг фаровонлашуви – буларнинг ҳаммасида тадбиркорларнинг ҳиссаси катта. Вилоятимизда ҳам бугун тадбиркорлар қўллаб-қувватланиб, уларга ҳар томонлама амалий кўмак кўрсатилмоқда. Албатта тадбиркор бой бўлса, юрт ҳам бой бўлади, ҳудудлар янада ободонлашади. Шаҳар ва туманларда эзгу амалларни амалга ошириб, элнинг дуосини олаётган тадбиркорлар ҳам кўп.

Бувайдалик тадбиркор С.Султонов хайрли ишга қўл урди. У ўз ҳисобидан 1 миллиард 200 миллион сўм маблағ сарфлаб, 120 ўринли мактаб биносининг қурилишига бош бўлди.

-Мактабимизда бугунги кунда 362 нафар ўқувчи таҳсил олмоқда, -дейди 45-умумтаълим мактаби директори Эркинжон Сатторов. - Фақатгина битта бино бўлиб, синф хоналари етишмасди. Ҳамқишлоғимизнинг саховати билан барча шароитларга эга бўлган қўшимча бино қурилиб, тўхфа қилинди. Бу бинодаги 4 та синф хонасида ёшларнинг билим олишлари учун барча шароитлар яратилган.

Бувайда туман халқ таълими бўлими мудир Адҳамжон Умаровнинг айтишича, жорий йилда инвестиция дастури асосида 8, 10, ва 13-умумтаълим мактабларида ҳам қурилиш-таъмирлаш ишлари бажарилган.

Фарғона вилояти ҳокимлиги Ахборот хизмати

2019-12-20 14:50:50